

施注書詩

154840




71117
S7521

4

4

德
道
考
精

卷之三



蘇詩續補遺卷之下

漫堂先生宋 犖

樸園先生張榕端

閔定 錢塘馮

景 補註

今體詩二百九十三首

過巴東縣不泊聞頗有萊公遺迹

萊公昔未遇寂寞在巴東聞道山中樹猶餘手種松江
山養豪俊禮數困英雄執版迎官長趨塵拜下風當年
誰刺史應未識三公

宋史寇準傳字平仲華州下邽人中第授大理評事知歸州巴東大名府成安縣
每期會賦役未嘗輒出符後惟具鄉里姓名揭縣門百姓莫敢後期後爲相封萊

公荊州府志巴東漢巫縣地梁信陵王巴東有寇來
公祠祠中有二柏乃公作令時手植者民比之甘棠

白帝廟

朔風催入峽慘慘去何之共指蒼山路來朝白帝祠荒
城秋草滿古樹野藤垂浩蕩荆江遠淒涼蜀客悲遲回
問風俗涕泗閃興衰故國依然在遺民豈復知一方稱
警蹕萬乘擁旌旗遠略初吞漢雄心豈在夔崎嶇來野
廟悶默愧常時破甑蒸山麥長歌唱竹枝荆邯真壯士
吳柱本經師失計雖無及圖王臣已奇猶餘帝王號皎
皎在門楣

漢書記白帝山在夔州府城東公孫述據蜀殿前井中嘗有白龍因自稱白帝
山小以名後漢公孫述傳云子陽風災後人更始之亂述據蜀郡時其地餘眾

附有自立志曾有謹志其時歲山夜有光耀遂以爲不祥因刻甘掌文曰公孫帝
建武元年四月遂曰立爲天子遂遂建元龍興平陵人刑即見東方將
平兵起而西遂遂國西國兵今曰立建元龍興平陵人刑即見東方將
震雷集有大羽遂以爲不祥遂遂三昔王正伐殷先觀兵孟平八百諸侯不
期同歸然猶遂遂以待天令天賜遂遂三昔之助而遂遂出師千里之外以廣封疆者
也遂曰今東帝無尺土之報遂遂令之眾誇馬陷敵所向輒平不至乘時與之分
功而遂遂武王之說是遂遂遂遂爲西伯也遂遂然言而不能遂遂漢書孟
數買遂遂地遂去不顧郭林今上西漢之問其意曰既已破遂遂之何益

戎州

亂山圍古郡市易帶羣蠻瘦嶺春耕少孤城夜漏閑往
時邊有警征馬去無還自頃方從化年來亦款關頗能
貪漢布但未脫金銀何足爭強弱吾民盡玉顏

敘州府志古夔國漢建爲郡梁隋曰戎州戰國策由余聞之款關請見漢食貨志
大布次布第布壯布中布差布厚布幼布么布小布是爲布貨十品鑄作錢布皆
用銅鍛以連錫又質周郭放漢五銖錢云師古注布亦錢耳謂之布者言其分布
流行也郭元振占劍歌璫琬匣裏吐蓮花錯鏤金環映明月黃庭經卻滅白邪玉

錄

和魯人孔周翰題詩二首

附孔周翰題詩云屈指從來十七年交親零落一潸然蟬娟再

見中秋月依舊

清輝照客眠

壞壁題詩已五年故人風物兩依然定知來歲中秋月

又照先生枕麴眠

劉伶酒德頌枕

麴藉糟再見

更邀明月說明年記取孤吟孟浩然此去宦遊如傳舍

揀枝驚鵲幾時眠

史記司馬相如傳王吉曰長卿久宦遊不遂而來過我漢節寬饒傳此如傳舍所
閱多矣詳見上卷孟襄陽集序閒遊祕省秋月新霽諸英華賦詩作會浩然句曰
微雲淡河漢疎雨滴梧桐舉坐嗟其清絕咸閣筆不復爲
繼魏武短歌月明星希鳥鵲南飛繞樹三匝無枝可依

獲鬼章二十韻

案先生謝御書詩自注云時熙河新獲鬼章當在元祐之初

青唐有逋寇白首已窮妖竊據臨洮郡潛通講渚橋
廟謀周召虎邊帥漢班超堅壘千兵破連航一炬燒擒姦
從窟穴奏捷上煙霄詭異人圖像驩娛路載謠千誅非
一事伐叛自先朝取道經陵寢前期告廟祧西來聞幾
日面縛見今朝二聖臨雲陛千官溢海潮載囚車轆轤
失主馬蕭條橫拜如蹲犬胡裝尚衣貂理卿辭具服譯
長舌初調緩死恩殊厚求生尾屢搖慈仁逢太母寬厚
戴唐堯赤手真擒虎和羹未賜臬藁街虛授首東市偶
全腰困獸何須殺遺雛或可招威聲西振夏武節北通

遠帝道有强弱天時或長消羌情防報復軍勝忌矜驕
慎重關西將奇功勿再要

宋史董氈傳王韶既定熙河其首領青宜結鬼章寇河州踏白城帝命邊臣招來
之熙寧十年以鬼章及阿里骨皆爲刺史阿里骨傳董氈病革召諸酋領至青唐
謂曰吾一子已死惟阿里骨母當事我我視之如子今將以種落付之諸酋聽命
既而事遣使修貢元祐元年封寧塞郡公二年遂逼鬼章使率衆拒洮州羌結藥
密者使所部怯陵來告里骨執怯陵結藥密懼攜妻子南歸鬼章又使其子結呢
謁入寇八月鬼章就擒檻送京師尋赦之聽召其子以自贖元祐三年里骨奉表
謝罪詔西河無復出兵許貢奉如故鬼章死詔焚何其骨左傳微子而縛衞璧杜
詩偷生惟一老伐叛已三朝又瘞行失主錯莫無晶光又毛暗蕭條連雪霜漢
司馬遷傳猛虎在深山百獸震恐必有檻穽之中搖尾而求食東觀漢記事令郡國
送梟五月五日爲梟羹賜百官以恩爲故食之欲絕其類也三輔錄長安城中
言藁街陳昌斬郅支單于懸頭于藁街史記鼂錯衣朝衣斬東市檀弓是全要領以
從先大夫於九京也左傳困獸猶鬥史記宋義諫項梁曰戰勝而將驕卒情者敗

光祿菴二首

文章恨不見文園禮樂方將訪石泉何事菴中著光祿

枉教閑處筆如椽

史記司馬相如傳相如拜為孝文國令唐書田游巖頗名不出焉卡幸書山氣至其門游巖野服出拜帝問先生此何名對曰臣所謂果石者耳石實巖底石三石傳孝武帝為僕射夢人以才筆如椽與之既覺語人曰此當有大事筆事俄而帝崩哀冊謚遂皆如所草

城中太守的何人林下先生非我身若向菴中覓光祿雪中履迹鏡中真

通典郡守秦官漢景帝中元二年更名郡守為太守

過木樨觀

老泉詩序云許旌陽得道之所舟人以此相告旌陽至武寧縣乃得其事縣人云許旌陽猶在山建旌陽

許邁也嘗為旌陽縣令

石壁高千尺微蹤遠欲無飛簷如劍寺

公自注出劍門東望寺宇彷彿可見

古

相似仙都許子嘗高遁行舟悔不迂斬蛟聞猛烈提劍

想崎嶇寂寞棺猶在脩崇世已愚隱居人不識化去俗
爭吁洞府煙霞遠人間爪髮枯飄飄乘倒景誰復顧遺
軀

南昌府志許邁南昌人母夢金鳳銜珠墮掌而生晉初爲旌陽令得異人術周
游江湖悉斬蛟蜃除民害精修山中年一百三十六舉家飛昇倒景注見上卷

觀開西湖次吳左丞韻

偉人謀議不求多事定紛紛自唯阿盡放龜魚還綠淨
甯容蕭葦障前坡一朝美事誰能紀白尺蒼崖尚可磨

天上列星當亦喜月明時下浴明

疑作清波

左傳後之人求多於女將不女容焉道德經唯之與阿相去幾何漢武世帝祀
甘泉至渭橋有女子浴于渭乳長七尺上怪而問之女曰帝後第七車侍中知我
所來時張寬在第七車對曰此星主祭祀者齋戒不嚴則女人星
見秦天星下浴人但以爲先生偶作驚人語耳不知亦有出處

荊州十首

庚子正月先生與子由
侍老泉自荊州游大梁

遊人出三峽楚地盡平川北客隨南賈吳檣間蜀船江
侵平野斷風捲白沙旋欲問興亡意重城自古堅

古今注城者盛也所以盛受民物也左傳民保于城城保于德博
物志禹始作城强者攻弱者守敵者戰唐書大河以北無堅城

南方舊戰國慘澹意猶存慷慨因劉表淒涼爲屈原廢
城猶帶井古姓聚成村亦解觀形勝昇平不敢論

周易改邑不改井
韻注村聚落也

楚地闊無邊蒼茫萬頃連耕牛未嘗汗投種去如捐農
事誰當勸民愚亦可憐平生事遊惰那得怨凶年

左傳提封萬頃事物紀原後漢末以趙過爲搜粟都尉始教民牛耕三犁共一牛
一人將之實勝耒耜之利左傳九扈爲九農正注以九扈爲九農之號各隨其宜

以教
民事

朱檻城東角高王此望沙江山非一國烽火畏三巴戰
骨淪秋草危樓倚斷霞百年豪傑盡擾擾見魚鰕

五代高從誨嗣為荆南節度使封渤海王改南平王晉高祖立遣學士陶穀為生
辰國信使從誨宴之望沙樓大陳戰艦語穀曰吳蜀不實久矣願脩武備習水戰
以待時期穀還具道其語晉祖大喜又南漢與閩蜀皆稱帝從誨所向稱
臣故公詩有江山非一國語江淹恨賦試望平原蔓草縈骨拱木斂魂

沙頭煙漠漠來往厭喧卑野市分塵鬧官帆過渡遲遊
人多問卜僮叟盡攜龜日暮江天靜無人唱楚詞

龜頭遠無鶴賦王云鄉之岑寂歸人寧之喧卑史記三王不同龜
西夷各異卜然各以決吉凶褚少孫續史南方老人用龜支牀足

太守王夫子山東老俊髦壯年聞猛烈白首見雄豪食
鴈君應厭驅車我正勞中書有安石慎勿賦離騷

東漢士符傳皇甫規解官即安定鄉人有以貨得應門太守者亦去
謁規規臥不視既入問卿下郡食鴈美乎晉謝安傳字安石為尚書
加後將軍反君公更起居原舊乃慶
然出思而作事

殘臘多風雪荆人重歲時客心何草草里巷自嬉嬉爆
竹驚鄰鬼驅儺逐小兒故人應念我相望各天涯

荆楚歲時記歲暮家家自有藪謂之備宿歲之儲至新年集之街衢以為去故納
新詩驕人好好勞人草草神異經西方深山中有惡鬼名山謂長螺竹聲人以竹
著火中燂燂有聲則驚走驅儺注見前案
鬼惡金姑聲聞人謂破竹聲為金姑聲也

江水深成窟潛魚大似犀赤鱗如琥珀老枕勝玻璃上
客舉雕俎佳人搖翠篴登庖更作器何以免屠割

周頌猗猗漆沮潛有多魚郭璞江賦或鹿
觚象鼻或虎狀龍顏然帶璫錯煥明錦斑

北鴈來南國依依似旅人縱橫遭折翼感惻為沾巾平

日誰能挹高飛不可馴故人持贈我三嗅若爲珍

韓詩噉噉鳴鴈鳴且飛窮秋南去春北歸張衡四愁詩側身北望涕霑中九域志韓憑妻何氏美宋康王欲之何氏歌曰南山有鳥北山張羅鳥自高飛羅當奈何

陶弘景詩不堪持贈君

柳門京國道驅馬及春陽野火燒枯草東風動綠芒北

行連許鄧南去極衡湘楚境橫天下懷王信弱王

白居易春草詩野火燒不盡春風吹又生岳陽樓記北通巫峽南極瀟湘懷王入秦不返注見前史記趙王教自上食禮甚卑高祖箕踞言賈高趙午乃怒曰吾王

辱王也注辱弱也

渝州寄王道祖

祖一作矩

曾聞五月到渝州水泊長亭砌下流唯有夢魂長繚繞
共論唐史重綢繆舟經故國歲時改霜落寒江波浪收

歸夢不成冬夜永
厭聞船上報更籌

重慶府志周巴子國秦置巴郡漢曰江州漢末曰永寧
梁曰楚州隋曰渝州白帖十里一長亭五里一短亭

過安樂山聞山上木葉有文如道士篆符云此

山乃張道陵所寓二首

第二首一作
重過安樂山

天師化去知何在
玉印相傳世共珍
故國子孫今尚死
滿山秋葉豈能神

張真人傳名道陵良八世孫隱天目山漢章帝和帝累召不起久之遊雲綿洞煉
丹青龍白虎旋繞其上丹成餌之于蜀之雲臺峯昇天所遺經訣符章印劍授子
孫世守之
化去詳下

真人已不死
外慕墮空虛
猶餘好名意
滿樹寫天書

莊子大宗師古之真人不知說生不知惡死其出不訢其入不距翛然而往翛然而來而已矣
世討神書李少君病死天子以爲化去不死又齊人丁公年九十餘

日封禪者合不死之名也宋史大中祥符元年春正月乙丑有黃帛曳左承天門南鵝尾土守門卒塗榮告有司以聞上召羣臣迎于朝元殿啟封號稱天書

涪州得山胡

公自注善鳴出黔中案涪州古巴國漢涪陵

終日鎖筠籠回頭惜翠茸誰知聲嘒嘒亦自意重重夜宿煙生浦朝鳴日上峰故巢何足戀鷹隼豈能容

釋名籠土器又箒也所以畜鳥左傳狐裘扈茸注亂貌此云羽茸蓋羽也

巫山廟上下數十里有烏鳶無數取食於行舟之上舟人以神之故亦不敢害

羣飛來去噪行人得食無憂便可馴江上饑鳥無足怪野鷹何事亦頻頻

韓文二片不復羣飛刺天杜詩白鷺翬飛太劇乾西京雜記乾鵲噪而行人至揚子法言鵲鵲之黨甚於鸞斯亦賊夫糧食而已矣

夷陵縣歐陽永叔至喜堂

夷陵雖小邑自古控荆吳形勝今無用英雄久已無誰
知有文伯遠摘自王都人土年年改堂傾歲歲扶追思
猶咎呂感歎亦憐朱

公自注時朱太守為公築此臺

舊種孤楠老新霜一橘

枯清篇蜚峽洞醉墨寫邦圖

公自注三游洞有詩夷陵圖後有雷題處

故老問行客

長官今白髮著書多念慮許國減歡娛寄語公知否還
須數倒壺

史記白公傳

一攻楚拔鄢郢五城其明年拔郢燒夷陵遂東至竟陵楚王亡去

郢東走徙陸渚以郢為南郡宋歐陽修傳入朝為館閣校勘范仲淹以言事貶在
廷多論救司諫高若訥獨以為當黜修貽書責之謂其不復知人間有羞恥事若
訥上其書坐貶夷陵令按史稱呂夷簡為相成郭后之變逐孔道輔范仲淹於外
時論以此少之而歐陽之貶由救仲淹故公詩云追思猶咎呂指夷簡也